

PRIMLJENO: 10 JAN 2023			
Orig. jed.	Broj	Prilog	Vrijednost
01-GJ-04-	39/23		

Hava Pandžić

Pošiljatelj: Adi Škaljić <skaljic1987@gmail.com>
Poslano: utorak, 10. januar 2023. 12:41
Prima: Gradsko Vijeće Sarajevo - pisarnica
Predmet: Prijedlog izmjena Poslovnika o radu Odbora za dodjelu Šestoaprilske nagrade za 2023.
Privici: PRIJEDLOG IZMJENA I DOPUNA POSLOVNIKA O RADU ODBORA ZA DODJELU ŠESTOAPRILSKE NAGRADE GRADA SARAJEVA - 10.1..pdf

Poštovani,

Prijedlog je u prilogu.

Molim vas da ga dostavite predsjedavajućem Vijeća, gospodinu Ademoviću.

Srdačan pozdrav

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
GRADSKO VIJEĆE GRADA SARAJEVA
n/r predsjedavajući, Jasmin Ademović

Na osnovu člana 13. Odluke o uslovima i načinu dodjele „Šestoaprilske nagrade Grada Sarajeva“ Odboru za dodjelu Šestoaprilske nagrade Grada Sarajeva za 2023 godinu na razmatranje se dostavlja:

PRIJEDLOG IZMJENA POSLOVNIKA O RADU ODBORA ZA DODJELU ŠESTOAPRILSKE NAGRADE GRADA SARAJEVA

Član 1.

Član 15. mijenja se i glasi:

(1) Na trećoj sjednici, Odbor se određuje o tome jesu li dostavljeni prijedlozi za kandidate za dodjelu Nagrade, blagovremeni i potpuni u skladu s Odlukom, odnosno Javnim pozivom, te utvrđuje liste predloženih kandidata za koje su podneseni blagovremeni i potpuni prijedlozi, posebno za pojedinačnu, posebno za kolektivnu nagradu.

(2) Odbor, većinom glasova članova Odbora, za svakog predloženog kandidata pojedinačno, odlučuje je li prijedlog podnesen u propisanom roku i je li potpun, a prema kriterijima iz Odluke, odnosno iz Javnog poziva.

(3) Na osnovu dobivenih rezultata članovi Odbora samostalno razmatraju prijedloge te se o predloženim kandidatima, u prvom koraku drugog kruga glasanja, određuju tako da svoj glas, javnim glasanje, daju predloženim kandidatima za koje cijene da je njihov doprinos vrijedan razmatranja za dodjelu Nagrade. Prijedlozi za kandidate koji poslije takvog izjašnjavanja, dobiju većinu glasova članova Odbora, dalje se razmatraju za konačno utvrđivanje kandidata za dodjelu Nagrade.

(4) Izuzetno, ukoliko je zaprimljen manji broj prijedloga za kandidate, provodi se odmah drugi korak drugog kruga glasanja, iz člana 16. ovog Poslovnika, o čemu odlučuje Odbor svojim zaključkom pri prijemu prijedloga za kandidate za dodjelu Nagrade, a na prijedlogu Stručne službe za poslove Gradskog vijeća.

Član 2.

Član 16. mijenja se i glasi:

Do četvrte sjednice, članovi Odbora samostalno razmatraju prijedloge kandidata koji su na trećoj sjednici dobili većinu glasova članova Odbora, posebno za dodjelu pojedinačne, a posebno za dodjelu kolektivne nagrade, te se o predloženim kandidatima u drugom koraku drugog kruga glasanja, na četvrtoj sjednici Odbora, određuju na način da svaki član Odbora javno iznese bodove za svakog predloženog kandidata pojedinačno i to tako da najveći broj bodova (najveći broj bodova iznosi pola, odnosno jedan više od pola, ako se radi o neparnom broju, vrijednosti broja predloženih kandidata za drugi krug glasanja posebno za pojedinačnu, a posebno za kolektivnu nagradu) daju predloženom kandidatu kojeg preferiraju, dva boda manje sljedećem predloženom kandidatu i zatim, po jedan bod manje svakom sljedećem predloženom kandidatu, a predloženi kandidati čiji doprinos ocijene najmanje vrijednim, u odnosu na doprinos svih predloženih kandidata za drugi krug glasanja, ostaju bez bodova.

Član 3.

Član 17. mijenja se i glasi:

(1) Na petoj sjednici Odbora, članovima se dostavljaju konačne liste predloženih kandidata poredanih po broju dobivenih bodova članova Odbora i to posebno za pojedinačnu, a posebno za kolektivnu nagradu.

(2) Ukoliko po dva prvorangirana predložena kandidata dobiju različit broj bodova, utvrđuju se kao kandidati Gradskom vijeću za dodjelu nagrade, osim predloženog kandidata koji je ostao bez bodova.

(3) Ukoliko dva predložena kandidata na mjestu prvorangiranog, odnosno drugorangiranog kandidata, dobiju jednak broj bodova, Odbor se javnim glasanjem određuje o tome koji od predloženih kandidata će biti prvorangirani, a koji drugorangirani kandidat, odnosno koji će biti drugorangirani, a koji trećerangirani za dodjelu Nagrade odlukom Gradskog vijeća. Prednost dobiva kandidat sa većinom glasova prisutnih članova Odbora.

Član 4.

Izmjene Poslovnika o radu Odbora za dodjelu Šestoaprijske nagrade Grada Sarajeva za 2023. godinu stupa na snagu danom donošenja

OBRAZLOŽENJE

Cilj predloženih izmjena je javno glasanje o kandidatima za dodjelu Nagrade u svim fazama postupka, do predlaganja kandidata za Nagradu Gradskom vijeću na konačno odlučivanje.



Adi Škaljić, predsjedavajući Odbora

Sarajevo, 10.1.2023.